



*Embassy of Bosnia and Herzegovina
Washington, D.C.*

POTVRDA O BORAVKU U SAD

Shodno odredbama člana 207. Tačka a), alineja 7 Zakona o carinskoj politici BiH ("Službeni glasnik BiH", broj: 57/04, 51/06 i 58/15), i člana 16. Stav 1 Odluke o uslovima i postupku ostvarivanja prava na oslobađanje od plaćanja uvoznih i izvoznih dadžbina ("Službeni glasnik BiH", broj 24/18), Konzularno odjeljenje Ambasade Bosne i Hercegovine u Vašingtonu državljanima Bosne i Hercegovine izdaje Potvrdu o boravku u Sjedinjenim Američkim Državama.

Za izdavanje Potvrde o boravku potrebno je priložiti slijedeća dokumenta:

1. Zahtjev za izdavanje Potvrde o boravku (navesti svrhu);
2. Kopiju važećeg pasoša BiH;
3. Dokaz o datumu ulaska u SAD (kao dokaz može poslužiti kopija zelene karte ili I-94);
4. Dokaz adrese u SAD (npr. kopija računa za struju, telefon i sl.);
5. Dokaz o trajnom povratku u Bosnu i Hercegovinu. U ovu svrhu se prilažu:
 - a) izjava (Pod punom materijalnom i krivičnom odgovornošću, ja, N.N., izjavljujem da se dana trajno vraćam u Bosnu i Hercegovinu, na adresu
 - Potpis na izjavi je potrebno ovjeriti kod javnog bilježnika (notary public);
 - b) kopija putne karte u jednom smjeru do aerodrome u BiH;
 - c) pismo poslodavca u kom stoji da podnosiocu zahtjeva prestaje radni odnos, raskida se ugovor, rješenje o penzionisanju i sl.
6. Money order na iznos po važećem [Cjenovniku konzularnih usluga](#) (50 \$).

Napomene:

1. Dobijanje potvrde o boravku ne znači i automatsko oslobađanje od carinskih dažbina u BiH, s obzirom da konačnu odluku o oslobađanju carine donosi Uprava za indirektno oporezivanje BiH – regionalni centri. Robe oslobođene plaćanja carine su: lična imovina, lični prtljag i robe nekomercijalnog karaktera, koje su u posjedu podnosioca zahtjeva duže od šest (6) mjeseci.

2. Kad se radi o ostvarivanju prava na izuzeće iz postupka homologacije vozila povratnika u BiH potrebno je imati u vidu slijedeće: U skladu sa članom 13. Alineja d), Pravilnika o homologaciji vozila, dijelova uređaja i opreme vozila ("Sl. gl. BiH", br. 41/08) homologacija vozila za posebne vrste uvoza ne provodi se kada se uvoze „vozila kategorije M1 (tarifna oznaka 87.03), kategorije N1 (tarifna oznaka 87.04) te vozila kategorije L (tarifna oznaka 87.11) koja radi preseljenja uvoze fizička lica koja su neprekidno boravila u inostranstvu najmanje tri (3) godine i uz uslov da su ih lično ili članovi njihovog domaćinstva u inostranstvu posjedovali ili koristili najmanje godinu dana do dana useljenja ili povratka u BiH i da se ta vozila uvezu u roku od 12 mjeseci od dana useljenja ili povratka;“.